

Vuzcouh Si Cangzcouh Gih Gaenxmaenx Doi-
doengh Aen Suenqveh Lijyouz Coi “Sam Gyau”

梧州市长洲区积极推动旅游促“三交”计划

Gyawj geij bi neix, Vuzcouh Si Cangzcouh Gih haenqrengz saedguh aen suenqveh aeu lijyouz coicaenh gak minzcuz doxygau dox baedauq doxyungz, guh aen Mbanjswcouh Cangzcouh Cin baenz aen diemj guhyiengh, youh ndei youh vaiq guh lijyouz, caemhcai coicaenh ginghci gwnzbiengz hwngfat.

Cangzcouh Gih guh diuz roen vwnzlij “sam gyau” ndei ndeu, lumj Aen Dieg Yawjgingi Giz Ceiq Sang Aijsa, Aen Gvanj Vwnsij Cwnghez, Aen Gvanj Lizensij Ndawmbanj daengj. Gih de lij sonlien boudaiqroen baeyouz, dawz vwnzva saekhoengz, Dan’gyah, feihyiz, lingjnanz, gwzming daengj yungzhaeuj gij vah gejnaeuz bae, hawj vunzlai gak minzcuz engq nyinhdoengz guekcoj hungmbwk,

Cunghvaz Minzcuz, Cunghvaz vwnzva, Cunghgoz Gungcanjdangj, yiengh sevei cujyi miz gij daegsaek Cungguk. Aen gih neix aeu vunqsik moq guh ginghci cizdij, cingjhab cienz-ngaenz aeu Mbanjswcouh guh sawq-diemj loengh gaijgwz, hawj ginghci cizdij bienqbaenz “miz gujfaenh”, bang engq lai vunz ndaej haeujdaeuj, ndaej youqdingh, yungz ndaej haeuj, gvaq ndaej ndei.

Gih de lij guh hozdung lumjbaenz doxdax diyyuz minzcuz, daejniemh aen sibsug youq gwnzraemx aeubawx haqsau Dan’gyah, hawfwen Sam Nyied Sam daengj, yinx hekyouz daeuj guhcaemz. Vunzlai doxcomz giz ndeu, coicaenh gak minzcuz doxygau dox baedauq doxyungz.

(Cinz Dauz/陈桃)

Aeu Mak Guh “Moiz”
Bang Hwnghoengh Lajmbanj

以果为“媒”助乡村兴旺

Seizhah, va rang mak homhwd. 7 nyied 21 hauh, Cungzcoj Si Denhdwngj Yen guh hozdung gaiq daihngaih vwnzva mak (densangh) caeuq Gvangjdungh Gvangjsih doxgap baijgai nungzfucanjbinj. Daj 7 nyied 21 hauh daengz 23 hauh, Denhdwngj lij guh buek hozdung lumj mbaet mak, laeujdaizraez gwnmak, hoihyinhoyz, doxdax cigboq gai huqdoj daengj. Yienh de aeu mak guh “moiz”, youq mwh gvaq ciet guh lijyouz, doidoengh nungzyez vwnzva lijyouz doxyungz hwngfat.

(Vangz Cwngzsungh/黄城松 Cinz Yizgingz/覃日琴)



▲ Yienhciengz baijdan gai huq, hekyouz cungj bae cam.



▲ Ngoenzde, Minzcungh Giz yienh de lij hai ban sonlien dwkndaengq.

Vanzgyangh: Aen Dieggiek Sonlien
Dinfwngz Minzcuz Venjbaiz Laebbaenz

环江：民族技艺培训基地挂牌成立

Mboengqneix, Aen Dieggiek Sonlien Dinfwngz Minzcuz laeng Hozciz Si Vanzgyangh Mauznanzcuz Swciyen venjbaiz laebbaenz. Aen dieggiek neix dwg cwngfuj coengh ngaenz, hix mbouj sou ngaenz hai ban son vunzlai, ndawde miz sonlien, daejniemh, cauhmoq, siugai daengj.

Baezlaeng aen dieggiek neix yaek laebdaeb hai ban son daemj baengz minzcuz, caiz ndangdaenj Mauznanzcuz, san gyaeploj va daengj, ciepcienz caeuq henhoh dinfwngz minzcuz, couqmaenh gij eiqsik caezcaemh Cunghvaz Minzcuz.

(Luz Veijyz/卢伟益)

Yungzanh Youq Gwnzraemx Doxdax
Dwk Lanzgiuz Angq Gvaq “Cietdwkbya”

融安水上篮球赛欢度“闹鱼节”

7 nyied 23 hauh, gyoengq beixnuengx Myauzcuz Liujcouh Si Yungzanh Yen Cangzanh Cin Anhningz Cunh Mbanjdabauz youq gwnzraemx doxdax dwk lanzgiuz, gig mizyinx. Gyoengqde guh neix angq gvaq “cietdwkbya” Myauzcuz cienzdoengj loeg nyied coloeg, mbaenjgouz fwn doek yinzfwd rumz huzswnh, muengh dajndaem ndaej sou lai.

(Danz Gaijhingh/谭凯兴
Ciengj Yizfeih/蒋悻菲 Vangz Yen-
gingz/黄燕琼)



▲ Vunzlai youq gwnzraemx dwk lanzgiuz, gig daegbied.
Danz Gaijhingh ingj